



**Le Signur é mia löm y mia salveza.**

La ploania d'La Pli tol comié da **Florian Baldissera** (+ 22.01.2016) y ti fej les condolianzes ai familiars por la mort de so fré.  
La vita eterna dáí, Signur, y confortele con to lominus!

- **Sontata dal consei pastoral en dedolönesc ai 26 de iener ales 19:30:** ann dla misericordia, zelebraziun dla Parora de Dio, formaziun por guida dla dlíjia, desvalies
- **Curs de yoga:** le Consei de Formaziun organiseia en curs de yoga (nivel mesan, 10 iadi); al met man en jöbia ai 28 de iener ales 19:30 te palestra. Prenotaziuns ☎ 348 2242778.

**1 enformaziuns y termins**

**Curs de preparaziun al maridé:** le Sorvisc ai Jogn Val Vadia organiseia en curs de preparaziun al maridé dai 1 ai 3 d'aorí a La Ila:

**Vendres ai 01.04.2016**

20:00 - 21:30 Dr. Lois Kastlunger (coordinadú)

**Sabeda ai 02.04.2016**

09:00 - 10:30 Dr. Christian Pedevilla (avocat)

11:00 - 12:30 Dr. Gaia Mureda (efom y consulenta)

12:45 Marena (Hotel Ladinia)

14:00 - 17:00 Siur Iaco Ploner (preo)

**Domegna ai 03.04.2016**

09:00 - 12:30 Dr. Lois Kastlunger (coordinadú)

12:45 Marena (Hotel Ladinia)

Le curs é limité a 15 pers; cost: 130,00 €. Iscriziuns cina ai 24 de merz te SaJ ☎ 0474 523070.

**Munt de Sennes:** en jöbia ai 28 de iener ales 20:00 vegnel tigní tla ostaría Gran Ciasa la sontada dla enteressenza dla munt de Sennes. Düc i interessés é enviés.

**Quando il mondo dorme nella comodità e nell'egoismo,  
la missione cristiana é di aiutarlo a svegliarsi.**

*Papa Francesco*

**Döt le bun a:** Paola Pedevilla Maneschg \* 25.01.1941  
Maria Maneschg ved. Comploi \* 26.01.1929  
y a düc chi co á santennom y compless i agn cöst'edema

**Impressum:** Ploania d'La Pli; redaziun Franz Rigo y Edith Willeit  
**Comunicaziuns cina al dedemesaledema** sera a Franz Rigo: ☎ 0474 500978 o ✉ ploania@gmx.net  
**Download plata:** www.unitepastorala.org o ince www.comun.mareo.bz.it



Plata dla Ploania  
**La Pli de Mareo**  
Santa Maria dal Bun Consei

Ploan: Signor Heinrich Perathoner  
E-mail: ploania@gmx.net

Calogna AI Plan: 0474 501006  
Radio de Ploania: 93,00 Mhz



**VAL BADIA**  
www.unitepastorala.org

**Le program de Gejú**

📖 **Nee 8, 2-4a.5-6.8-10 | 1 Cor 12, 12-31a | Lc 1, 1-4; 4, 14-21**

**Dal Vangelo do San Lúca:**

[...] Te chel tomp <sup>14</sup>é Gejú, emplí dla forza dal Spirit Sant, endô jü tla Galilea. Y le baié porsora el se slariâ fora sora döt le raiun. <sup>15</sup>Al ensinâ tles sinagoghes y gnea aprijé da düc. <sup>16</sup>Ensciö él ince roé a Názaret, olach'al ea corsciü sö, y é jü, desco zonza, le sábat tla sinagoga. Canch'al é loé sö, por lí fora dla Scritöra, <sup>17</sup>ti án sport le liber dal profet Isaía. Al á daurí le liber y é roé pro le toch olach'al é scrit: <sup>18</sup>Le Spirit dal Signur é sön mé; deache le Signur m'á unt. Al m'á mené, por ch'i ti portes ai püri na noela de ligreza; por ch'i ti incündes ai sarés ia la deliberaziun y ai verc la löm dai edli; ch'i metes i desgraziés tla liberté <sup>19</sup>y protlameies n ann de grazia dal Signur. <sup>20</sup>Spo ál stlüt le liber, ti al á dé al sorvidú dla sinagoga y s'á sonté jö. I edli de düc tla sinagoga ea ôc sön el. <sup>21</sup>Spo ál motü man da ti splighé: Encö s'á ademplí la parora dla Scritöra ch'i eis der aldí.


**I ponsun do**

*Nüsc dis é gonot plens de termins. Entres endo messunse se damané ci co cunta veramonter por nos, entres endô messunse se tó a cör ci che Gejú se dij. Tal meterman de so operé se dij Gejú ci co é por el le plü emportant: se dé da fá por la püra jont. Cösc é ince le program de vita por nos cristiagn.*

**I periun**

*Beldio, la noela y le program de vita de to Fi val ince por nos. Dasse la forza da ascuté sö söa parora y scinchesse ligreza da ti jí do a d'el. Por Crist, nosc Signur.*

*Wilhelm Egger "Sonntagsbibel"*



📖 **Letöres dla 4. domegna ia por l'ann:**


**ler 1, 4-5, 17-19 | 1 Cor 12, 31 - 13, 13 | Lc 4, 21-30**

## Edema liturgica dai 24.01. ai 31.01.2016

<b>DOM 24.</b> 08:30 10 y 18	<b>3. domegna ia por l'ann</b> <i>Francesch da Sales, Arno, Vera, Bernhard</i> <b>gran messa</b> por dōta la ploania <i>oferta por i debojūgns dla ploania</i> s.m. a Al Plan
<b>Lön 25.</b> ► 07:30 ► 14:00	<b> festa dla Converjiun de San Paul, Titus Maria, Susanna, Wolfram</b> <b>s.m.</b> dal ann por + Berto Ellecosta, Longega <b>s.m. de sopoltōra</b> de Florian Baldissera, Roje
<b>Ded 26.</b> ► 07:45	<i>Timoteus y Titus, Paula, Robert, Albert</i> <b>2<sup>a</sup> s.m. de sopoltōra</b> por Florian Baldissera, Roje <b>s.m. dai scolari</b> en onú de San Bostian por fam. Isidor y Frieda Agreiter, Brach <b>s.m.</b> por + Isidor Pedevilla, Brach <b>s.m.</b> por + Jan Ellecosta, Stifler
<b>Dem 27.</b> 18:00	<i>Angela Merici, Iulian, Gerhard, Manfred, Rosalia</i> s.m. a Al Plan
<b>Jöb 28.</b> 19:30	<i>Tomesc d'Aquin, Carlo le Gran, Manfred, Karoline</i> <b>s.m.</b> por +ti Germano y Maria Frontull, Mareo <b>s.m.</b> por vis y +ti Maneschg, La Costa de sot
<b>Ven 29.</b> 07:10	<b>Sant'Ujöp Freinademetz, Valerio, Gerhard</b> s.m. a Al Plan
<b>Sab 30.</b> 18:00 19:30	<i>Sabeda de Santa Maria   Martina, Adelgund, Serena, Maria W.</i> s.m. <i>prefestia a Al Plan</i> <b>s.m. prefestia</b> d'aniversar por + Susanna Mühlmann, Baldessé <b>s.m.</b> d'aniversar por + Lois Pedevilla, Soröa
<b>DOM 31.</b> 08:30 10 y 18	<b>4. domegna ia por l'ann</b> <i>Giovanni Bosco, Eusebius, Hemma</i> <b>FESTA DE SANT'UJÖP DA OIES</b> <b>domegna dai mass-media</b> <b>gran messa</b> ciantada en onú y por l'interzesciun de Sant'Ujöp Freinademetz por dōta la ploania <b>3<sup>a</sup> s.m. de sopoltōra</b> por Florian Baldissera y corona dla comunité <i>oferta por i debojūgns dla ploania</i> s.m. a Al Plan
<i>ampola:</i>	por fam. Erich y Ludmilla Erardi, Tlea
<i>ministronc:</i>	► da doman y domegna: Eliane Pedevilla y Markus Erlacher ► da sera y domegna: Sara Willeit y Lisa Erardi
<i>i recordun:</i>	Lois Pedevilla + 29.01.2009



## Um im Gleichgewicht zu bleiben



Jesus ging – heißt es im Evangelium – „wie gewohnt am Sabbat in die Synagoge“. Der übliche „Kirchgang“ – heilsame Routine. Gute Gewohnheit, die Gutes tut. Die mir gut tut. Weil mein Leben dadurch im Gleichgewicht bleibt und nicht vom Alltag mit seinen Arbeiten, Herausforderungen und Problemen nach unten gezogen wird.

## I Sacramonc cuntés ai mituns (2)

### Le Bato



Chi co ven bacés – da pici o da gragn – ven cherdés con so ennom.

La porsona n'é nia en numer, mo na creatōra straordinaria. A chel co ven bacé ti vegnel jüté ega sön le cé con les parores: "I te baceii tal ennom dal Pere y dal Fi y dal Spirit Sant."

Chi co ven bacés, ven tuc sö tla comunité con Gejú y con düc chi co alda pa d'el. Ai ven cristiagn y alda pa la Dlijia.

L'ega dal Bato é na purificaziun simbolica. Ara ne purificheia nia dal stöp o dal paz, mo ara se lâ da döt ci co se despartesc da Chelbeldio.

D'atri segns stlaresc ci ch'al sozed tal Bato:

La ciandera se recorda Gejú Crist, la löm dal monn.

L'unziun con l'ere dal crism se dij: cōsta porsona alda ince pla comunité de Gejú Crist co é gnü unt y é preo, ré y profet.

Le quant blanch manifesteia la ligreza da aldi pa Gejú.

Vigne iade ch'i fajun le segn dla crusc con ega santa recordunse nosc Bato.

## Funziuns en onú de Sant'Ujöp Freinademetz a Oies



**en jöbia ai 28** de iener:

ales **20:00 s.m.** con le cor de dljia da Lungiarü

**en vendres ai 29** de iener:

ales **16:00 s.m.** con le quartet dal cor de dljia da San Martin

ales **20:00 santa messa solena** con le cor de dljia da La Val zelebrant prinzipal sig. Eugen Runggaldier

**Dio, Pere de dōta la jont, damo desco a Sant'Ujöp da Oies n cōr misericordius con i fredesc y plen de comprenjiun por söes deblezes.**